

Dertig joare aerpel, mit saus en appelmoes
Dertig jaore rib, en blauw geruute bloes
En dikke dertig jaor, gezonde kleur, dat wel
Zien donkerbruune keuke, veraojd de vrejgezel

Iets dat mot hier anders, iets gut hier niet goed
Of anders stromt vur eewig, ut vrejgezellebloed
En gewoon spontane griet, dat is verdomd nie hendig
En vrouw van dizze tied, en vrejgezelbestendig

Bertje is en boerke, ien blauw geruute bloes
Bertje is en boerke, en gek op appelmoes
Bertje is en boerke, mit groeëte boerehand
Bertje kiekht naor buurte naor zien biete op ut land

Bertje zocht en zocht hej wis wel wat ie wooi
Ien elk geval wat anders, dan dit alledaags geklooi
Gewoon en aardig vrouwke, un alledaagse meid
En die as ut effe kan, ok nog gaer mit Bertje vrijt.

Bertje noom d'n drempel, ging naor de dansles toe
Mar elke poging strandde daor ien stuntelig gedoe
Zien vuutjes traetje mier, op tieën dan op de grond
Zien hand ging maestal veul te gaer, tot op de deriërre

Refrein

Mar urgus ien ut vurjaor, hej verget ut nie mer gauw,
Was Bert ut straolend middelpunt, de boer ien boer zuukt vrouw
Vertelde zien verhaal, op televisie an Yvon
Van zien biete, ziene Fendt, ut aete uut de magnetron

En God hoe is ut meugeluk, d'r wier gereagiert,
Dur 9 schonne brieef, wier ie op papier versiert.
En brokske ien de kael, ut zwiët stond op de kop
Hej bloosde bej ut opene van elke envelop

Refrein

Bert vond ut hemels, drie vrollie op mien erf
Mit alles op en ok d'r an, 't zeuj zund zien as ik sterf
Werke deuj wat minder, stoeie des te mier
Die dames rende dur de wei, mit Bert as jonge stier

Nellie die moog blieve en ut klikte wonderwel
Want Nellie zei ik maak van ow vandaag nog enne kel
Bert verloor zien rib-boks halverwege noar ut bed
Waor Nellie lei te waachte op Bertje zien trompet

Refrein

D'n buurman haaj vernome van buurman's nieje vlam
Dus buurman kwaam 's neuze, bej buurman op de dam
Ien blauw geruute bloes, ien rib dus ongetrouwd
En bej ut zien van Nellie, kreeg buur ut spaans benouwd

Cupido schoot, enne piel dur buurmans' hart
En Nellie vond d'n buur toch ok wel hieël appart
Ge kost d'r dus op waachte en bej Bertje zei ut knak
Toen ie Nel en Buur zaag liggen, ien ziene aege bieteplak

Refrein

Bert was as d'n duvel, furieus en doelgericht
Zien strak gebalde vuust, ging richting Nellie ur gezicht
En de boks nog op de knije, buurman rende nie zao vlot
Dus Bert was zoewe baej um, en de riek vloog ien de vod

As en verke kwekte buur, echt ge huurde gen verschil
Ut bloed spoot uut de getjes, in buurman ziene bil
De veldslag op de bieteplak, was nog lang nie an zien end
Want Bert den hing de ploeg achter ziene groete Fendt

Refrein

Bert zit ien de keuke, ien ziene blauw geruute bloes
Hej prakt zien bordje aerpel, mit saus en appelmoes
Noeët het ie gerept, en woord van dit schandaal
Dus niemand die ut kent, dit gruweluk verhaal

De stilte ien zien huus, die stilte zit genoeg
En Bert den grijnst en bitje, hej denkt wer an die ploeg
En hoe ut toch zeuj komme, en paar vierkante maeter,
Die biete ien den bieteplak, Goh die gruje stukke baeter